

## R E G L U G E R Þ

### um breyting á reglugerð nr. 175/1974 um Kennaraháskóla Íslands.

#### 1. gr.

##### 3. gr. orðist svo:

1. Inntaka nemenda í skólann er í höndum skólastjórnar eða skólaráðs í umboði hennar.
2. Inntökuskilyrði í Kennaraháskóla Íslands eru:
  - a) Stúdentspróf, og sé einkunn í íslensku eigi lægri en 5.
  - b) Annað nám, ef skólastjórn telur það jafngilt, og menntamálaráðuneytið fellst á mat hennar, enda hafi umsækjandi að dómi skólastjórnar fullnægjandi undirstöðumenntun til að hefja kennaranám.
  - c) Kennarapróf eða próf úr framhaldsdeild Kennaraskóla Íslands, sbr. 4. gr. 3. fl.
3. Heimilt er að setja skilyrði um inntöku í einstakar valgreinar. Hlutaðeigandi skor gerir tillög þar um til skólaráðs. Inntökuskilyrðin skulu háð staðfestingu menntamálaráðuneytisins.
4. Heimilt er skólanum að úrskurða um inntöku nemenda með hliðsjón af hæfni-prófi eða öðrum matsaðferðum, en fullnægja skulu þeir ákvæðum þessarar greinar, sbr. 2. tölulið b og c. Eigi skal beita slíku mati nema rektor æski þess, en tveir viðurkenndir sérfræðingar annist það, og sé annar sálfræðingur, en hinn læknir.
5. a. Umsókn um skrásetningu nýrra nemenda til náms skal berast skólanum fyrir 1. júlí. Beiðni um skrásetningu skal fylgja ljósrit eða staðfest endurrit af stúdentsprófsskírteini og/eða önnur þau skilríki, sem nánar kann að verða kveðið á um af hálfu skólans. Mæla má svo fyrir að nemendur fylli út umsóknareyðublöð og láti í té ýmsar almennar upplýsingar, sem þörf þykir að fá. Skólinn veitir umsækjendum skriflegt svar við umsókn þeirra. Þeir sem jákvætt svar hljóta skulu staðfesta komu sína í skólann innan ákveðins tíma, sem tilgreindur verður í svari. Skrásetningargjald skal fylgja þeirri staðfestingu.
 

Í september ár hvert skulu aðrir en þeir sem frumskrásettir eru til náms á tilteknu ári láta skrásetja sig og greiða þá skrásetningargjald. Nemendur hafa ekki rétt til að sækja kennslu og eiga ekki rétt á að þreyta próf nema þeir séu skráðir í hinni árlegu skrásetningu. Þeir njóta ekki félagslegra friðinda sem því kann að vera samfara að vera nemandi í skólanum.
- b. Fyrir 1. maí ár hvert skal allsherjarfundur nemenda ákveða hversu hátt skrásetningargjald skal vera og hvernig það skiptist. Skrásetningargjöld skulu háð samþykki skólaráðs og menntamálaráðherra.
6. Öllum skrásettum nemendum er skylt að ganga undir heilbrigðisrannsóknir eftir því sem skólaráð ákveður.

#### 2. gr.

##### 4. gr. orðist svo:

1. Skipuleggja skal námið sem þriggja ára nám. Í hverju skólaári skulu vera allt að 35 starfsvikur. Menntamálaráðuneytið getur leyft allt að hálfmánaðar vik frá þessu ákvæði.
 

Námstími er frá 1. september — 15. júní og skiptist í haustmisseri frá 1. september — 24. janúar og vormisseri frá 25. janúar — 15. júní.

Jólaleyfi hefst 20. desember, kennsla hefst 7. janúar; páskaleyfi hefst miðvikudag fyrir skirdag, kennsla hefst þriðja í páskum; hvítasunnuleyfi hefst laugardaginn fyrir hvítasunnu, kennsla hefst þriðjudag eftir hvítasunnu. Auk þessara leyfa er kennsluhlé á sumardaginn fyrsta og 1. desember.

2. Ef námsefni í Kennaraháskóla Íslands skiptist í 12 hluti og hver hlutur jafngildir um það bil 6 ársvikustundum, skulu hlutfölli einstakra greina vera nálægt því sem hér segir, að frádregnum þeim tíma skólaársins, sem varið er til áheyrnar, æfingakennslu og námskeiða:

I. Uppeldisgreinar, 4 hlutir.

II. Námsgreinar grunnskóla:

a) Kjarni, 4 hlutir.

b) Valgreinar, 4 hlutir.

Verklegt nám, þ.e. æfingakennsla og annað starf á vettvangi, skal vera 12 vikur hið minnsta. Verklega námið fer fram í æfinga- og tilraunaskóla og öðrum skólum og stofnunum eftir því sem þörf krefur.

Samán skal fara eftir því sem við verður komið samstillt og hnitmiðað nám í námsgreinum grunnskólans og uppeldisgreinum, einkum kennslufræði.

3. Nám þeirra, sem teknir eru í skólann skv. 3. gr. 2. tl. c, skal skipulagt þannig að nemendum sé gefinn kostur á að ljúka prófi í uppeldisgreinum, 2 hlutum, samkvæmt ákvörðun uppeldisskorar, og 1 eða 2 valgreinum, 4 hlutum. Kostur skal og gerður á námskeiðum í einstökum greinum námskjarnans, ef skólaráð mælir með því.

### 3. gr.

5. gr. orðist svo:

Nám í skólanum skiptist þannig:

I. Uppeldisgreinar.

II. Námsgreinar grunnskóla.

A. Kjarni:

1. Bóklegar greinar: Íslenska og íslensk fræði, félagsfræði, saga, siðfræði, trúarbragðasaga og kristinfræði, stærðfræði, líffræði.

2. List- og verkgreinar: Teiknun, handavinna, föndur, skrift, söngur og tónfræði, íþróttir og fimleikafræði, heimilisfræði.

B. Valgreinar:

1. Hvert kennaraefni skal velja tvær bóklegar greinar eða eina list- og verkgrein. Skólaráð getur heimilað nemanda að auka við sig valgrein.

2. Valgreinar:

Íslenska og íslensk fræði, kristinfræði, stærðfræði, handavinna (hannyrðir og smíðar), saga, félagsfræði, landafræði, líffræði, eðlis- og efnafræði, danska, enska, heimilisfræði, tónmennt.

III. Aðrir námsþættir:

A. Eftir ákvörðun skólaráðs skal fjallað um það efni á námskeiðum, sem ekki er unnt að skipa eðlilega á stundaskrá annar- eða vetrarlangt.

B. Ef styrkbær fjöldi nemenda æskir þess, skal að fengnu samþykki skólaráðs halda námskeið í þáttum sem tengjast starfi grunnskóla. Er það nám valfrjálst að öllu leyti

Heimilt er kennara, sem lokið hefur prófi frá Kennaraháskóla Íslands, að auka við sig valgrein og/eða valfrjálsum þáttum.

## 4. gr.

6. gr. orðist svo:

Námsgreinar skólans skiptast í skorir sem hér segir:

1. Uppeldisgreinar: Sálarfræði, uppeldisfræði, skólasaga, kennslufræði og kennsiu-æfingar.
2. Félagsgreinar: Félagsfræði, saga, siðfræði, trúarbragðasaga og kristinfræði.
3. Mál: Íslenska og íslensk fræði, þar með talin framsögn og hljóðfræði nútíðar- máls, danska, enska.
4. Raungreinar: Eðlisfræði og efnafræði, líffræði, landafræði, auk stærðfræði.
5. List- og verkgreinar: Skrift, teiknun, handavinna, söngur og tónfræði, leiklist, íþróttir og fimleikafræði, heimilisfræði.

Í námsskrá er mælt fyrir um efnisþætti einstakra námsgreina. Heimilt er stjórn skólans að fækka eða fjölga kennslugreinum og námskeiðum að fengnu samþykki menntamálaráðuneytisins.

## 5. gr.

42. gr. 8. tl. orðist svo:

8. Heimilt er að flytja kennara úr lektorsstöðu í dósentstöðu. Hlutaðeigandi skor skal hafa frumkvæði um slíka stöðuhækkun. Lektor, sem setið hefur í stöðu sinni í fimm ár, á rétt til þess, að skor hans eigi frumkvæði að stöðuhækkun honum til handa. Skólaráð skal hverju sinni skipa dómnefnd til að dæma um hæfi lektorsins til þess að gegna dósentstarfinu. Skal skor tilnefna einn dómnefndarmanna, og er hann formaður nefndarinnar, menntamálaráðherra tilnefnir annan, og hinn þriðja skipar skólaráð án tilnefningar. Um hæfi dómnefndar- manna gilda sömu reglur og við dómnefndarskipun við ráðstöfun lausra starfa. Dómnefndin skal ljúka störfum innan tveggja mánaða frá skipun. Skal hún láta uppi rökstutt álit um það, hvort af störfum lektorsins við skólann og af fyrra ferli hans megi ráða, að hann sé hæfur til þess að gegna dósentstarfinu. Að fengnu álitni skorar gerir skólaráð tillögu til menntamálaráðuneytisins um af- greiðslu málsins. Ekki er heimilt að flytja lektorinn í dósentstarf, nema dóm- nefndin segi berum orðum, að hann sé til þess hæfur.

## 6. gr.

Reglugerðarbreyting þessi öðlast þegar gildi.

*Menntamálaráðuneytið, 11. desember 1981.*

**Ingvar Gíslason.**

*Birgir Thorlacius.*